

FAAFINTA



RASMIGA

الرسمية

الجريدة

JALCUUBIYATUM DEMOQRAADIGA SOOMALIYA

الجمهورية الصومالية الديمقراطية

Sannadka 11aad Muqdisho 30 Juunyo 1983 L.2R6

FAAFIYAHA BIL SOO BAXA

جريدة شهرية

Laanta Faaifinta Rasmiga ah ee Madaxtooyada J.D.S. QUNNADU waa 3 Sida Madax waliba—KUXUSKA: Qaranku waa 100 Sannadka gataadana—dibaddoodana waa 100. Sannadka la wajihiyo waqtiga 100 gooyo wixii la kala kama i Janayo Qiblaya qaybaha F.A. halka madax iyo wa xoo la yar waa 2 kama 100. — Ruxayaha iyo qaybaha kama a wajihiyaa laanta Madaxtooyada Faaifinta Rasmiga ah—kang- la wana iyo kamaayaa kamaayaha Canshuuraha ee Wana- maha kamaay.

K O O B N I I N

QAYBTA

KOOWAAD

S H A R C I

SHARCI L. 10 ee 29 Maajo 1983, Dhismaha Mashruuca
 Khayraadka Badda. Bogga 379

QAYBTA

LABAAD

X E E R
W. M.

QAYBTA

SADDEXAAD

TALOOYIN ISGAARSIN OGEYSIIS IYO WIXII LA MID AH.

- WASAARADDA H. GUUD 4.1.81, Naado
 Dhul J/le Maxamed Xasan Cilmi L. 249 » 388
- WASAARADDA H. GUUD 4.1.81, Naado
 Dhul J/le Khaliif Cali Cigaal L. 250 » 389
- WASAARADDA H. GUUD 4.1.81, Naado
 Dhul J/le Khtdiiija Awow Munye Bi shaaro L. 251 » 390

QAYBTA KOWAAD

S H A R C I

Sharci Lambar 10 taariikh 29 Maajo 1983 Dhismaha Mashruuca Khayraadka Badda.

ISAGOO TIXGELINAAYA: Oggolaanshaha Guddiga Joogtada ah ee Golaha Shacbiga.

WUXUU SOO SAARAYAA

Sharciga soo socda:

Qod. 1aad

Dhismaha Mashruuca Khayraadka Badda

1. Sharcigan waxaa lagu dhisay Mashruuca Khayraadka Badda oo hadda kaddib lagu magacaabi doono «Mashruuca».

2. Mashruucan wuxuu yeelan doonaa Shakhsiyad qaanuun ah iyo awood dhaqaale ee Madax banaan, laga bilaabo 1da Jannaayo 1982.

Qod. 2aad

K o r m e e r

1. Waxaa Mashruuca hantidiisa gebi ahaan leh Dawladda J. D. S. Waxaana hawlihiisa kormeerii doona Wasiirka Wasaaradda Kalluumaysiga, lagumana dhiqi doono Sharciga lambarkiisu yahay 17 ee 21.4.74

2. Sharciga lambarkiisu yahay 16 ee bishii Abriil 1970kii ee lagu maamulo Hantidhowrka Wakaaladaha madaxa bannaan, Warshadaha, Hay'adaha Ganacsiga iyo Bunuugta Dawladdu qeyb ku leedahay, ayaa lagu dhaqayaa Mashruuca, haddii aan Sharcigan si ka duwan tilmaamin.

Qod. 3aad

Xarunta Dhexe ee Mashruuca

Xarunta Dhexe ee Mashruuca waa Kismaayo, wu xuuna laamo iyo Xafiisyo ka furan karaa meelihii kale oo uu u arko inay ganacsiyiisa dan u yihiin, kuwaasoo noqon kara Degmooyinka iyo Gobollada J. D. S. Iyo

Qod. 4aad

Ujeeddooyinka

Ujeeddooyinka Mashruuca waxay yihiin:

b) Inuu u fidiyo shirkadaha la soo xulay iyo dadka kalluumeysatada ah dhismooyin iyo qalab ay u adeegadaan habeynta iyo keylinta Khayraadka Badda, si loogu iibiyo Dalka gudahiisa iyo Duunyada dibadda.

t) Inuu hagaajiyo heerka dhaqan dhaqaale ee bee laha Kalluumeysatada la soo xulay iyadoo la siinayo qalab ay kaga shaqaystaan xeebaha, loona sameeynayo suuq joogto ah oo ay ku gataan khayraadka ay la soo baxaan, si loo kordhiyo wax soo saarkooda.

j) Inuu kordhiyo dhiirina geliyo cunista Kalluunka Dalka gudahiisa, isagoo si joogta ah suuqa looga helo Kalluun tayo leh laguna iibiyo sicir suuragal ah.

x) Inuu kordhiyo Dakhliga lacagta adag ee laga helo dhoofinta khayraadka Badda, isagoo u habeynayo una kadayn doona heer caalami ah una suuqyada u iib geliyo sida ganacsiga ku habboon.

Qod. 5aad

Awoodda Maamulka Mashruuca

Mashruucu wuxuu yeelan doonaa awoodda soo socota:

b) Inuu ku dhaqaaqo hawlo ganacsi Kalluumeysi oo isugu jira qabashada, gadidda, dhoofinta habeynta iyo suuq gelinta khayraadka Badda, nooc kastaba ha ahaadeene, iyadoo la raacayo sharciyada u degsan khayraadka Badda, haddii aan sharcigani si ka duwan tilmaamin.

t) Inuu qorto shaqaalaha uu u baahan yahay, isagoo tixgeliinaaya waqtiga iyo baahida uu u qabo shaqaalahaas iyo hadba siduu Guddiga Agaasinka u arko inay dan tahay, iyadoo aan la cuskanin sharciga lambarkii suuqyada ee 22.4.72 oo ku saabsan shaqo qorista iyo

j) Inuu qorto abaałmariyana khuburo iyo hay'ada ha kale iyadoo loogu daneynayo hawl fulinta Mashruuca, taasoo la xiriirta sugidda iyo fulinta ujeeddada ka mid ah ujeeddooyinka Mashruuca.

x) Inuu guud ahaan iibsado, kireysto ama wax kale ku doorsado, qalab ama hantida guurtada ama ma guurtada ah oo looga baahan yahay socodsiinta hawla ha Mashruuca.

kh) Inuu guud ahaan xuquuq amase daw u yeelan karo wuxuu Guddiga Agaasinka u arko lagama maarmaan amase dan u ah ujeeddooyinka Mashruuca.

d) Inuu iibiyo, hagaajiyo, hore u mariyo kireeyo dooriyo, rahanto, ama uu dhammeystiro amase qeyb ka mid ah hantida iyo xuquuqda ganacsi oo Mashruuca siduu hadba Guddiga Agaasinka u arko inay tahay.

r) Inuu la galo qandaraasyo, heshiisyo ama iskaa shi Dawladda ama hay'ado (Dawladda Hoose iyo kuwa kale oo la mid ah) ama shirkado ama dad kasta oo ad duunka ka mid ah.

s) Inuu abuurto hanti lacageed oo lagu fulinayo ujeeddooyinkiisa, taasoo ka iman karta dakhliga Mashruuca ama amaah lagu qaato oggolaanshaha Guddiga Agaasinka.

sh) Inuu ku isticmaali karo, oggolaan karo aqbali karo, dhimi karo, sameyn karo kuna dhaqmi karo Jee gag iyo warqadaha lacagaha la isku dhafsado.

dh) Inuu Bankiyada Dalka iyo Dibaddaba ka furan karo xisaab socota, haddii uu Guddiga Agaasinka u arko lagama maarmaan.

c) Inuu lacag amaahin karo macaamishiisa gaar ahaaneed ama Ururo, haddii ay ballan caad ama laga hayo lamaanad.

g) Inuu aruursado sheegtana lacag kastoo uu lee yahay ama deyn looga qabo.

f) Inuu sameeyo wax kastoo lagu horumarinayo isbaahinta Mashruuca.

Qod. 6aad

Helidda Alaabta Cayriin

Mashruucu wuxuu alaabta Cayriin ka helayaa Is kaashatooyinka Kalluumeysiga oo ka iibin doona waxay soo saaraan Mashruuca hadduu sicirku la mid yahay kan suuqa.

Canshuur dhaafka iyo u danayn Mashruuca

Qod. 7aad

1. Dawladda iyadoo u danaynaysa Mashruuca, wa xay ka dhaafaysaa muddo shan sano ah Canshuurta iyo kharajyada hoos ku xusan.

b) Canshuurta soo dejinta iyo dhoofinta.

t) Macaashu| Macaashka.

2. Dawladda waxay Mashruuca ka dhaafaysaa muddo ku siman shan sano canshuurta dakhliga iyo ma caashka laga billaabi 1da Jannaayo 1982.

Qod. 8aad

xubnaha iyo dhismaha Mashruuca

1. Mashruucu wuxuu yeelan doonaa qaab dhismo ha hoos ku tilmaaman.

b) Guddi Agaasin.

t) Guddoomiye.

j) Maareeye Guud.

x) Kaaliye Maareeye Guud.

Xubnaha ka mid noqonaya Guddiga Agaasinka iyo hawlahoodaba waxay ku qeexan yihiin Qodobada soo socda.

Qod. 9aad

Guddiga Agaasinka

1. Guddiga Agaasinka ee lagu tilmaamay Qod. 8aad ee sharcigan wuxuu ka kooban yahay xubnaha soo socda:

- 1) Wasiirka Kalluumeysiga
— Guddoomiye
- 11) Maareeyaha Guud ee Mashruuca
— Xubin
- 111) Wakiil ka tirsan Wasaaradda Kalluunka
— Xubin
- vi) Wakiil ka tirsan Bankiga Ganacsiga
— Xubin
- v) Wakiil ka tirsan Wasaaradda Ganacsiga
— Xubin

2. Xubin kasta oo hay'ad ka wakiil ah waxaa magacaabaya Wasiirka Kalluumeysiga, isagoo raacaya tilmaanta hay'adda uu wakiilka ka yahay.

3. Shirka caadiga ah ee Guddiga Agaasinka waxaa la isugu imaanayaa ugu yaraan laba jeer sanadkiiba, hase ahaatee, qabashada fadhiyada aan caadiga ahayn waxaa cadayn kara xubin kasta oo ka mid ah Guddiga Agaasinka.

4. Qabashada shirarka waxaa ogeysiinaya xubnaha Guddiga Agaasinka, Maareeyaha Guud, kaddib markuu la tashado Guddoomiyaha, isagoo ku gaarsiiyaya warqad, ugu yaraan laba toddobaad shirka ka hor.

5. Xubin kastat ee Guddiga waxay leedahay hal cod xubin go'aankana waxaa lagu gaarayaa aqlabiyad sahlana. Haddiise cododka oggolaanshaha iyo kuwa diidmadu ay isla ekaadaan, waxaa dhaqan gelaya cod bixinta uu raaco Guddoomiyuhu.

6. Go'aanka Guddiga Agaasinka ma ansaxayo, haddii aan go'aankaas lagu gaarin fadhi ay ka soo qeyb galeen ugu yaraan saddex xubnood.

7. Guddiga Agaasinka marka laga reebo Maareeyaha Guud ee Mashruuca, wuxuu xaq u leeyahay gunno fadhi, taasoo uu cadaddeeda oggolaan doono Wasiirka Kalluumeysiga, isagoo tixgelinaya talada Guddiga Agaasinka.

8. Hadal qoraaika shirarka Guddiga Agaasinka wuxuu noqonayaa afka raamiga ah ama Ingiriiska.

Qod. 10aad

Mas'uuliyadda Guddiga Agaasinka

b) Guddiga Agaasinka wuxuu mas'uul ka yahay inuu dejiyo siyaasadda guud ee ku saabsan hawlaha iyo ujeeddooyinka Mashruuca ee lagu xaqiijinayo hawlaha rkiisa.

t) Inuu go'aamiyo miisaaniyadda sanadka oggolaadana xisaabaadka sanadka.

Qod. 11aad

Muddada Xilka Guddiga Agaasinka

Gubnaha Guddiga Agaasinku waxay xilka hayna yaan muddo dhan laba sano, laga bilaabo taariikhda la magacaabay. Xubnaha dib waa loo soo dooran karaa muddo kale, waxayna ku xiran tahay oggolaashaha iyo go'aaminta hay'adaha ku shaqada leh ee lagu magacaamay faqradda 2aad ee Qod. 9aad ee sharcigan.

Qod. 12aad

Magacaabidda Saraakiisha Mashruuca

1. Maareeyaha Guud waxaa lagu magacaabayaa Xeerka Madaxweynaha J. D. S. Iyadoo Madaxweynuhu tixgelinayo talada Wasiirka Kalluumaysiga.

2. Madaxda qaybaha shaqada ee Mashruuca, waa xaa u magacaabaya hawlaha, iyadoo la tixgelinayo qodobka 5aad, xarafka (b) ee sharcigan, Guddoomiyaha Guddiga Agaasinka, isagoo tixgelinaya talada Maareeyaha Guud iyo Guddiga Agaasinka.

Qod. 13aad

Xilka Maareeyaha Guud

Mashruucu wuxuu yeelanayaa Maareeye Guud oo ah madaxa hawl fulinta Mashruuca, isagoo ku yeelana ya awood buuxda mas'uuliyadda maamuuka iyo la socod

ka hal maalmeedka mashruuca oo dhammaantood lagu fulinayo siyaasadda iyo miisaaniyadda uu go'aamiyo Guddiga Agaasinka.

Qol. 14aad

Xisaabaadka

1. Maareeyaha Guud waxaa waajib ku ah marka uu dhammaado sanad lacageedka Mashruuca, inuu Saddex bilood gudahood uu u soo bandhigo Guddiga Agaasinka, si uu u oggolaado, warqadda dheelitirka xi saabta (Balance sheet), macaashka iyo khasaaraha (Profit iyo loss accounts), isagoo muujinaya xaaladda dhaqaale ee Mashruuca dhammaadka sanad lacageed ka iyo natijada dhaqaale ee Mashruuca hawl qabadii sa lagu gaaray sanadka.

2. Maareeyaha Guud ugu dambeyn bisha ugu da mbeysa sanadka rubuciisa, waa inuu u gudbiyaa warqad ku meel gaar ah ee caddeyneysa xisaabaadka faa'iida da iyo khasaaraha dheelitirkooda si uu u oggolaado, Guddiga Agaasinka.

3. Maareeyaha Guud ee Mashruuca wuxuu u gud binayaa xisaab xir sanadeedka Guddiga Agaasinka si uu u oggolaado, isagoo sii raacinaya warbixin sanadeedka lagu tifatirayo hawl qabada Mashruuca sanadkii la soo gudbay, laguna xusay natiijooyinka ka dhashay hawlihii la soo qabtay, iyadoo la muujinayo waxtarka amase waxyeelada ka soo baxay. Warbixinta waxaa ka mid ahaan doona arrimaha soo socda:

- 1) Tirada Shaqaalaha iyo mushaharka la sii — yay
- ii) Tiro koobka wax soo saarka
- iii) Tiro koobka Jumlada
- iv- Daraasad dhibaatooyinka lala soo kulmay, — meeshii lagala kulmay iyo wixii laga — qabtay.

4. Afka loo adeeganayo xisaabaadka Mashruuca wuxuu noqon doonaa afka rasmiga ah ama afka Ingi riiska.

Qod. 15aad

Hantidhowrka Xisaabaadka

Xisaab sanadeedka Mashruuca, waxaa hanti dhow raya sarkaal hantidhowre ah oo ka socda Hantidhowrka Guud ama hantidhowr uu wakiishay Guddiga Aгаа sinka.

Qod. 16aad

Qaab Shaqaaleedka Maamulka Mashruuca

Mashruucu wuxuu yeelan doonaa hab qaabeed shaqo iyo shaqaale oo muujinaya qeexayana waajibaadka iyo xuquuqda shaqaalaha, gaar ahaan mushaharkooda gunnooyinkooda iyo hawl gabkooda.

Qod. 17aad

Miisaaniyadda

1. Muddo aan ka badnayn saddex bilood guda hood, inta uusan dhammaan sanad lacageedka ayaa Maareeyaha Guud u gudbinayaa Agaasinka si uu u oggolaado, dakhliga iyo miisaaniyadda sanadka soo socda ee Mashruuca.

2. Guddiga Agaasinka wuxuu oggolaanayaa warbixinta xisaabadka Mashruuca, ugu dambeyn 31ka Maarso sanad kasta, taasoo loo gudbinayo Wasaaradda Maaliyadda iyadoo la raacinayo warbixin sanadeed tifatiran.

Qod. 18aad

Hantida Mashruuca

Hantida Mashruucu waxay ka koobantahay:

1. Dhammaan hantida maguurtada ah (fixed assets) iyo Guurtada (Movable Properties) ee ay ga

2. Dhammaan lacagaha Mashruucu dhigto dalka Soomaaliya ama kuwa dibadda iyo wixii lacag caddaan ah oo uu haysto.

3. Deynta Mashruucu ku leeyahay macaamiishiisa ha noqdeen kuwo gaar ahaaneed ama hay'ado kala duwan.

4. Wixii qalab iyo alaabooyin ah ee Mashruucu leeyahay.

Qod. 19aad

Hab lacageedka

1. Sanad lacageedka Mashruucu wuxuu bilaabanaa yaa 1da Jannaayo wuxuuna dhammaanayaa 31ka Disembar.

2. Macaashka laga helo Mashruuca waxaa dib loogu maal gelinayaa Mashruuca, iyadoo la raacayo go'aanka Guddiga Agaasinka, kuwaasoo sugi doona baahida lacageed ee hawlaha Mashruucu fulinayo timaadada

Qod. 20aad

Xeer Nidaamiye

Madaxweynaha J. D. S. ayaa awood u leh inuu Mashruuca u soo saaro Xeer Nidaamiye, isagoo tixgelinaya talada Wasiirka Wasaaradda Kalluumaysiga.

Qod. 21aad

Dhaqan gal

Sharcigani wuxuu dhaqan gelayaa marka uu sariiro xo Madaxweynaha J. D. S. waxaana lagu soo saarayaa Faafinta Rasmiga ah ee Jamhuuriyadda.

Mogdisho, 29 Maj. 1983

MADAXWEYNAHA J. D. S.

(Mogdisho, 29 Maj. 1983)